

წინამდებარე ხელშეკრულება დადებულია 19.04.2023წ.

ერთის მხრივ, სს „საქართველოს რკინიგზა“ (ს/კ 202886010), წარმოდგენილი მისი ფილიალ „ვორლდ ბიზნეს სოლუშენს“-ის დირექტორის გრიგორ კაჭარავას სახით (მინდობილობა N5550; 03.12.2021), მისამართი: ქ. თბილისი, თამარ მეფის გამზირი #15 (შემდგომში – შემსყიდველი) და მეორეს მხრივ, შპს „მანტა სისტემსი“ (ს/კ 205186092), წარმოდგენილი მისი დირექტორის მაია შალამბერიძის მინდობილი პირის ანდრია ბარნაველის (მინდობილობა #24-12/1, გაცემული 24.12.2018წ, პ/ნ 01017010212) სახით, მისამართი: საქართველო, ქ. თბილისი, ნუცუბიძის I მრ., კ.16, ბ17 (შემდგომში – მიმწოდებელი), ვდებთ წინამდებარე ხელშეკრულებას შემდეგზე:

2023 წლის 13 მარტს გამოცხადდა და 24 მარტს დასრულდა წინადადებების მიღება ელექტრონულ ტენდერზე აუქციონის გარეშე (#NAT230005493) ოპტიკური ხელსაწყოების შესყიდვის შესახებ, (CPV კოდი – 38600000; 38621000), რომელშიც გამარჯვებულად მიჩნეულ იქნა მიმწოდებლის წინადადება, რომლის თანახმად, მიმწოდებელმა აიღო ვალდებულება, მიაწოდოს შემსყიდველს დანართით (ფასების ცხრილი) გათვალისწინებული მახასიათებლებისა და ამ მახასიათებლების მიხედვით შესაბამისი ოდენობის ოპტიკური ხელსაწყოები (შემდგომში – საქონელი).

სატენდერო პირობების 10.1 პუნქტით გათვალისწინებული 1.5 ქვეპუნქტის შესაბამისად, ხელშეკრულება ფორმდება აშშ დოლარში საქართველოს ეროვნული ბანკის მიერ 2023 წლის 24 მარტისათვის (ელექტრონული ვაჭრობის დღისათვის) დადგენილი ლარის აშშ დოლართან ოფიციალური გაცვლითი კურსის (1 USD – 2.5768 ლარი) მიხედვით.

ხელშეკრულების საერთო ღირებულება დღგ-ს გარეშე შეადგენს - **1 248, 42** (ათას ორას ორმოცდარვა აშშ დოლარი და ორმოცდაორი ცენტი) აშშ დოლარს, ხოლო დღგ-ს ჩათვლით - **1 473, 13** (ათას ოთხას სამოცდაცამეტი აშშ დოლარი და ცამეტი ცენტი) აშშ დოლარს (შემდგომში – ხელშეკრულების ღირებულება).

**წინამდებარე ხელშეკრულება ადასტურებს შემდეგს:**

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
  - ა) წინამდებარე ხელშეკრულება;
  - ბ) მიმწოდებლის მიერ წარმოდგენილი ფასების ცხრილი;
  - გ) მინდობილობა;
  - დ) ამონაწერი სსიპ სახელმწიფო შესყიდვების სააგენტოს ერთიანი ელექტრონული სისტემიდან ელექტრონული ტენდერის აუქციონის გარეშე ვაჭრობის მიმდინარეობის შესახებ;
  - ე) დანართი ხელშეკრულების ადმინისტრირების შესახებ;
  - ვ) დანართი ხელწერილი ინტერესთა კონფლიქტის არარსებობის შესახებ;
  - ზ) საქართველოს ეროვნული ბანკის ვებ-გვერდიდან ამონაწერი ლარის მიმართ უცხოური ვალუტების გაცვლის ოფიციალური კურსის შესახებ;
  - თ) ხელშეკრულების საერთო პირობები;
  - ი) ხელშეკრულების სპეციფიკური პირობები.
3. მიმწოდებელი იღებს ვალდებულებას განახორციელოს ნაკისრი ვალდებულებები ხელშეკრულების პირობების შესაბამისად.
4. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობების შესაბამისად.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

წინამდებარე ხელშეკრულება ძალაში შედის მისი ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული ვალდებულების სრულ შესრულებამდე, მაგრამ არაუგვიანეს 2023 წლის 30 სექტემბრისა.

**„შემსყიდველი“**

სს „საქართველოს რკინიგზა“  
ქ. თბილისი, თამარ მეფის გამზირი №15  
ს/კ 202886010  
სს „საქართველოს ბანკი“  
ბანკის კოდი: BAGAGE22  
ა/ა GE09BG0000000128695301

**„მიმწოდებელი“**

შპს „მანტა სისტემსი“  
ქ. თბილისი, ნუცუბიძის I მრ., კ.16, ბ17  
ს/კ 205186092  
სს „თიბისი ბანკი“  
ბანკის კოდი: TBCBGE22  
ანგარიშის #GE21 TB06 34436020100001  
ტელ: +995322946074 ; +995599585118

გრიგორ კაჭარავა  
ფილიალ „ვორლდ ბიზნეს სოლუშენსის“  
დირექტორი

ანდრია ბარნაველი  
მინდობილი პირი

## ხელშეკრულების საერთო პირობები

ხელშეკრულების საერთო პირობები წარმოადგენს სატენდერო დოკუმენტაციისა და სახელმწიფო შესყიდვის შესახებ ხელშეკრულების შემადგენელ ნაწილს. ისინი ატარებენ ტიპიურ ხასიათს და უნდა იქნან გამოყენებული ყოველგვარი ცვლილებების გარეშე იმ მოცულობით, რა მოცულობითაც ეს შეესაბამება კონკრეტულ შესყიდვას.

### 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 “ხელშეკრულება სახელმწიფო შესყიდვის შესახებ” (შემდგომში – “ხელშეკრულება”) – შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულად და ზედმიწევნით შესრულებისათვის /თუ ხელშეკრულებით სხვა რამ არ არის გათვალისწინებული/;
- 1.3 “შემსყიდველი ორგანიზაცია” (შემდგომში “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 “მიმწოდებელი” ნიშნავს პირს, რომელმაც მოიპოვა გამარჯვება ტენდერში და ახორციელებს საქონლის მოწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.

### 2. სტანდარტები

ხელშეკრულების ფარგლებში მიწოდებული საქონელი უნდა შეესაბამებოდეს ტექნიკურ პირობებში მითითებულ სტანდარტებს.

### 3. საპატენტო უფლებები

3.1 საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

### 4. ხელშეკრულების შესრულების კონტროლი

- 4.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან. ხელშეკრულების სპეციფიკურ პირობებში და/ან ტექნიკურ პირობებში უნდა იყოს მითითება თუ რა სახის შემოწმებები და გამოცდები სჭირდება შემსყიდველს და ასევე სად უნდა გაიმართოს ისინი. შემსყიდველმა წერილობითი სახით და თავისდროულად უნდა აცნობოს მიმწოდებელს, ამ მიზნებისათვის განკუთვნილი თავისი წარმომადგენლების შესახებ.
- 4.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 4.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.
- 4.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების გარანტიისა ან სხვა ვალდებულებებისაგან.

### 5. შეფუთვა

- 5.1 მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან ფასების ცხრილში მითითებული დანიშნულების ადგილამდე ტრანსპორტირების პროცესში. შეფუთვამ უნდა გაუძლოს ინტენსიურ ამწევ-გადასატვირთ ზემოქმედებას, გადატვირთვის დროს ექსტრემალური ტემპერატურის, მარილების და ნალექის ზემოქმედებას, ასევე ღია ცის ქვეშ შენახვას.
- 5.2 შეფუთვის სახეობა, თითოეული ფუთის გაბარიტები და წონა, მისი მარკირება და თანმხლები დოკუმენტები უნდა შეესაბამებოდეს შემსყიდველის მიერ განსაზღვრულ სპეციალურ მოთხოვნებს.

### 6. საქონლის მიწოდების პირობები

- 6.1 საქონლის მიწოდება ხორციელდება მიმწოდებლის მიერ, საქონლის მიწოდების გრაფიკის შესაბამისად. დეტალური ინფორმაცია ტრანსპორტირების და მასთან დაკავშირებული უფლება-მოვალეობების გამიჯვნის შესახებ მოყვნილია ხელშეკრულების სპეციფიკურ პირობებში.
- 6.2 დოკუმენტები, რომლებიც წარმოდგენილ უნდა იქნას მიმწოდებლის მიერ საქონლის გადატვირთვისას მითითებულია ხელშეკრულების სპეციფიკურ პირობებში.

### 7. დაზღვევა (ამ მექანიზმის გამოყენების შემთხვევაში)

7.1 მიმწოდებელი ვალდებულია დააზღვიოს შესყიდვის ობიექტი და/ან მისი ნაწილები (ცალკეული ელემენტები, დანადგარები და წარმოების სხვა საშუალებები, ქონება და სხვა) ხელშეკრულების სპეციფიკურ პირობებში მითითებული მოთხოვნების შესაბამისად.

## **8. თანმდევი მომსახურება**

8.1 მიმწოდებელი ვალდებულია გაუწიოს შემსყიდველს ხელშეკრულების სპეციფიკური პირობებით გათვალისწინებული თანმდევი მომსახურება, რომელიც დაკავშირებულია საქონლის მიწოდებასთან და/ან შესყიდვის ობიექტის შემდგომ ექსპლუატაციასთან.

8.2 თანმდევი მომსახურების ღირებულება შედის ხელშეკრულების ფასში.

## **9. სათადარიგო ნაწილები**

9.1 შემსყიდველს შეუძლია მოითხოვოს მიმწოდებლისაგან მის მიერ წარმოებული ან სარეალიზაციო სათადარიგო ნაწილების შესახებ შემდეგი ინფორმაციის წარმოდგენა:

(ა) იმ სათადარიგო ნაწილების ნომენკლატურა და ღირებულება, რომლებიც შემსყიდველმა შეიძლება შეისყიდოს მიმწოდებლისაგან, რათა გამოიყენოს ისინი საგარანტიო ვადის დასრულების შემდეგ;

(ბ) მიმწოდებლის მიერ სათადარიგო ნაწილების წარმოების შეწყვეტის შემთხვევაში:

1. წინასწარ უნდა აცნობოს შემსყიდველს, წარმოების მოსალოდნელი შეწყვეტის შესახებ, რათა მისცეს მას საშუალება განახორციელოს აუცილებელი შესყიდვები, საჭირო რაოდენობით;

2. აუცილებლობის შემთხვევაში, წარმოების შეწყვეტის შემდგომ, უფასოდ მიაწოდოს შემსყიდველს სათადარიგო ნაწილების გეგმები, ნახაზები და ტექნიკური დოკუმენტაცია.

## **10. შესყიდვის ობიექტის მიღება-ჩაბარების წესი**

10.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, თუ ხელშეკრულების სპეციფიკური პირობებით სხვა რამ არ არის გათვალისწინებული.

10.2 შესყიდვის ობიექტის მიღებისა და საბოლოო შემოწმების ადგილი, პირობები, ეტაპები და წესი ასახულია ხელშეკრულების სპეციფიკურ პირობებში.

10.3 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

10.4 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.

## **11. გარანტია**

11.1 მიმწოდებელი იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

11.2 ამ გარანტიის მოქმედების ვადა განისაზღვრება ხელშეკრულების სპეციფიკური პირობებით.

11.3 მიმწოდებელი ვალდებულია შეტყობინების მიღებისთანავე განახორციელოს წუნდებული საქონლის ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

11.4 გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები საქონლის ექსპლუატაციის პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

## **12. ანგარიშსწორება**

12.1 ანგარიშსწორება მიმწოდებელთან განხორციელდება ხელშეკრულების სპეციფიკურ პირობებში მითითებული ფორმითა და ვადებში მიმწოდებლის წერილობითი მიმართვის საფუძველზე.

12.2 მიმწოდებლის წერილობით მოთხოვნას ანგარიშსწორების თაობაზე უნდა დაერთოს ხელშეკრულების სპეციფიკურ პირობებში მითითებული დოკუმენტაცია.

## **13. ანგარიშსწორების ვალუტა**

13.1 ანგარიშსწორება მიმწოდებელთან განხორციელდება ლარებში *(თუ მიმწოდებელი საქართველოს რეზიდენტია)*.

13.2 ანგარიშსწორება განხორციელდება სატენდერო დოკუმენტაციაში დაფიქსირებულ საანგარიშსწორებო ვალუტაში მისი ლართან მიმართებაში დაფიქსირებული კურსით.

## **14. ფასები**

14.1 შემსყიდველის მიერ საქონლის მიწოდებისა და თანმდევი მომსახურების გაწევის ხელშეკრულებაში მითითებული ფასები არ უნდა აღემატებოდეს მიმწოდებლის მიერ ელექტრონული ვაჭრობისას მითითებულ ფასებს.

14.2 ხელშეკრულებაში მითითებული ფასების შეცვლა დასაშვებია მხოლოდ იმ შემთხვევაში თუ ასეთი რამ გათვალისწინებულია ხელშეკრულების სპეციფიკურ პირობებში.

14.3. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

## **15. ხელშეკრულებაში ცვლილებების შეტანა**

15.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

15.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

15.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

15.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

#### **16. უფლებების გადაცემა**

16.1 დაუშვებელია ხელშეკრულებაში მიმწოდებლის ჩანაცვლება, გარდა საქართველოს კანონმდებლობით გათვალისწინებული შემთხვევებისა (ორგანიზაციის შერწყმა, გაყოფა და სხვა).

#### **17. ხელშეკრულების შესრულების შეფერხება**

17.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

17.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

#### **18. ხელშეკრულების შესრულების გარანტია (ამ მექანიზმის გამოყენების შემთხვევაში)**

18.1 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი გარანტია გამოიყენება ნებისმიერი ზარალის ანაზღაურების მიზნით, რომელიც მიაღებება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო. (გარანტირების მექანიზმის გამოყენება სავალდებულოა თუ შესყიდვის ობიექტის სავარაუდო ღირებულება აღემატება 200 000 ლარს და გარანტიის ოდენობა არ უნდა აღემატებოდეს ხელშეკრულების ჯამური ღირებულების 10 პროცენტს და არ უნდა იყოს 2 პროცენტზე ნაკლები). იმ გარემოებების ჩამონათვალი, რომელთა დადგომა გამოიწვევს მიმწოდებლისათვის გარანტიის დაუბრუნებლობას და აღნიშნულ გარემოებათა დადგომის გამო, შემსყიდველისათვის მიყენებული ზარალის ანაზღაურების მიზნით, საგარანტიო თანხის გამოყენების წესი განსაზღვრულია ხელშეკრულების სპეციფიკურ პირობებში.

18.2 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია.

18.3 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

#### **19. ხელშეკრულების პირობების შეუსრულებლობა**

19.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების სპეციფიკურ პირობებში.

19.2 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

#### **20. ხელშეკრულების შეწყვეტა მისი პირობების შეუსრულებლობის გამო**

20.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი ეტყობინების შემდეგ:

(ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

(ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

20.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

20.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

20.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

#### **21. ფორს-მაჟორი**

21.1 ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

21.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და

დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

21.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

## **22. სადაო საკითხების გადაწყვეტა**

22.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

22.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

## **23. გამოყენებული სამართალი**

23.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## **23. ხელშეკრულების ენა**

23.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

## **25. შეტყობინება**

25.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

25.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

## **26. გადასახადები და დაბეგვრა**

26.1 უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

26.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

## ხელშეკრულების სპეციფიკური პირობები

ხელშეკრულების სპეციფიკურ პირობებს შემოუმაგებს შემსყიდველი ორგანიზაცია. მისი შედგენის საფუძველს წარმოადგენს ხელშეკრულების საერთო პირობები და შემსყიდველის მოთხოვნები, რომელთა მიხედვითაც უნდა განხორციელდეს შესაბამისი საქონლის მიწოდება. ხელშეკრულების სპეციფიკური პირობების მიზანია ყოველი შესყიდვისათვის დამახასიათებელი პირობების კონკრეტიზაცია, ხელშეკრულების საერთო პირობების შევსება და დაზუსტება. ხელშეკრულების სპეციფიკურ და საერთო პირობებს შორის ურთიერთშესაბამობის შემთხვევაში უპირატესობა ენიჭება სპეციფიკური პირობების შესაბამის მუხლებს.

### 1. ხელშეკრულების დამდები მხარეები

ხელშეკრულების მხარეები არიან:

**შემსყიდველი** – სს „საქართველოს რკინიგზა“ (ს/კ 202886010), წარმოდგენილი მისი ფილიალ „ვორლდ ბიზნეს სოლუშენს“-ის დირექტორის გრიგორ კაჭარავას სახით (მინდობილობა N5550; 03.12.2021) სახით, მისამართი: ქ. თბილისი, თამარ მეფის გამზირი #15.

**მიმწოდებელი** – შპს „მანტა სისტემსი“ (ს/კ 205186092), წარმოდგენილი მისი დირექტორის მაია შალამბერიძის მინდობილი პირის ანდრია ბარნაველის (მინდობილობა #24-12/1, გაცემული 24.12.2018წ, პ/ნ 01017010212) სახით, მისამართი: საქართველო, ქ. თბილისი, ნუცუბიძის I მრ., კ.16, ბ17.

*„ჩვენ, აღნიშნულ დოკუმენტზე ვიზირების განმახორციელებელი და ხელშეკრულების ხელმოწერაზე უფლებამოსილი პირები ვადასტურებთ, რომ წინამდებარე ხელშეკრულებით შესყიდვის განხორციელებასთან დაკავშირებული ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფებით მიმწოდებელთან“.*

### 2. ხელშეკრულების შესრულების კონტროლი

2.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, შემსყიდველის მოთხოვნის შესაბამისად.

### 3. საქონლის მიწოდების პირობები და ვადები

3.1 საქონლის მიწოდება შემსყიდველისათვის მოხდება DDP პირობით.

3.2 პროდუქციის მიმღებია: სს „საქართველოს რკინიგზა.“

3.3 საქონლის მიწოდების ადგილია: ქ. თბილისი, თამარ მეფის გამზირი #15 (ს/ს „საქართველოს რკინიგზა“).

3.4 შემსყიდველის მხრიდან ხელშეკრულების ადმინისტრატორად განისაზღვრა - კონსტანტინე არჩვაძე ტელ: 591190420.

3.5 მიმწოდებელი იღებს ვალდებულებას განახორციელოს საქონლის მიწოდება ამ ხელშეკრულების გაფორმებიდან 60 (სამოცი) კალენდარული დღის განმავლობაში (არ დაიშვება საქონლის ეტაპობრივი მიწოდება).

3.6 საქონელს თან უნდა ახლდეს სასაქონლო ზედნადები.

3.7 მიმწოდებელი იღებს ვალდებულებას მასზედ, რომ მიწოდებისას საქონელს თან ახლდება მწარმოებლის მიერ გაცემული დოკუმენტ(ებ)ი, სადაც გაწერილი იქნება ფასების ცხრილით განსაზღვრული (პუნქტი 1.3) საქონლის ტექნიკური მახასიათებლები.

3.8 მიმწოდებელმა უნდა უზრუნველყოს შემსყიდველისათვის გადმოტვირთულ საქონელზე, მის რაოდენობაზე, ადგილზე, წონაზე მონაცემების მიწოდება საქონლის გადმოტვირთვიდან ერთი დღე-ღამის განმავლობაში. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება მიმწოდებელს.

### 4. შესყიდვის ობიექტის მიღება-ჩაბარების წესი

4.1 საქონელი შემსყიდველის მიერ ჩაბარებულად, ხოლო მიმწოდებლის მიერ მიწოდებულად ითვლება მიღება-ჩაბარების აქტის გაფორმების შედეგად, რომელიც შედგება და დადასტურდება შემსყიდველისა და მიმწოდებლის მიერ საამისოდ უფლებამოსილი წარმომადგენლების ხელმოწერებით საქონლის სრულად მიწოდების შემდეგ.

4.1.1 შემსყიდველის მხრიდან მიწოდებული საქონლის მიღება-ჩაბარების აქტ(ებ)ზე ხელმოწერი უფლებამოსილს პირებს სამსახურების მიხედვით წარმოადგენენ:

- თბილისის კვანძის უფროსი;

- თბილისის კვანძის მთავარი ინჟინერი.

4.2 მიღება-ჩაბარების აქტის შედგენისას მიმწოდებელი ვალდებულია შემსყიდველს წარუდგინოს სასაქონლო ზედნადები, მწარმოებლის მიერ გაცემული დოკუმენტ(ებ)ი (პუნქტი 3.7) ხოლო 3 (სამი) სამუშაო დღის ვადაში საგადასახადო ანგარიშ-ფაქტურა.

4.3 მიღება-ჩაბარების აქტი გაფორმდება ოთხ ეგზემპლიარად, რომლის სამი ეგზემპლიარი გადაეცემა შემსყიდველს, ხოლო ერთი – მიმწოდებელს.

## 5. გარანტია

5.1 მიმწოდებელი იძლევა გარანტიას მასზედ, რომ მის მიერ მოწოდებული საქონელი იქნება ახალი, არ იქნება ნამყოფი ექსპლუატაციაში და შეესაბამება ხელშეკრულებით გათვალისწინებულ მოთხოვნებს.

5.2 მიმწოდებელი იღებს ვალდებულებას საკუთარი ხარჯებით აღმოფხვრას მიწოდებული საქონლის ექსპლუატაციაში გამოვლენილი ნაკლი და უხარისხობით გამოწვეული ზიანი.

5.3 წინამდებარე ხელშეკრულებით გათვალისწინებულ საქონელზე საგარანტიო ვადა განისაზღვრება მიღება-ჩაბარების აქტის გაფორმებიდან 1 (ერთი) კალენდარული წლით.

5.4 მიმწოდებელი იღებს ვალდებულებას ამ მუხლის მესამე პუნქტით გათვალისწინებული საგარანტიო ვადის განმავლობაში, საქონელზე ტექნოლოგიური წუნის გამოვლენის შემთხვევაში, შემსყიდველის მხრიდან შეტყობინების მიღებიდან არაუგვიანეს 60 (სამოცი) კალენდარული დღის განმავლობაში, საკუთარი ხარჯებით უზრუნველყოს ნებისმიერი დეფექტის აღმოფხვრა, შეკეთება ან ახლით შეცვლა იდენტური და ტოლფასი რესურსის მქონე საქონლით.

5.5 გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები საქონლის მიმართ წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება.

## 6. ანგარიშსწორება

6.1 ანგარიშსწორების ფორმა: უნაღდო, კონსიგნაცია.

6.2 ანგარიშსწორების ვალუტა: ეროვნულ ვალუტაში, მიღება-ჩაბარების აქტის გაფორმების დღისთვის საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით.

6.3 ანგარიშსწორება მიმწოდებელთან განხორციელდება მხარეთა შორის მიღება-ჩაბარების აქტის შედგენიდან 20 (ოცი) საბანკო დღის განმავლობაში.

6.4 ანგარიშსწორებისათვის საჭირო დოკუმენტებია:

- მიღება-ჩაბარების აქტი (დედანი);
- სასაქონლო ზედნადები;
- მწარმოებლის მიერ გაცემული საქონლის დოკუმენტ(ებ)ი (პუნქტი 3.7);
- საგადასახადო ანგარიშ-ფაქტურა.

6.5 შემსყიდველის ან/და მიმწოდებლის მოთხოვნის საფუძველზე საბოლოო ანგარიშსწორებამდე მხარეები ადგენენ ურთიერთშედარების აქტს.

## 7. ხელშეკრულების პირობების შეუსრულებლობა

7.1 ხელშეკრულებით ნაკისრი ვალდებულებების შესრულების ვადების გადაცილების შემთხვევაში, ყოველი დაგვიანებული დღისთვის, მიმწოდებელს ეკისრება პირგასამტეხლო ხელშეკრულების ღირებულების (დღგ-ს გარეშე) 0,1 %-ის ოდენობით, რომელიც გაანგარიშებულ იქნება აშშ დოლარში და მოთხოვნილი (გაქვითული) იქნება ქართულ ლარში მიღება-ჩაბარების აქტის გაფორმების დღის, ან ასეთის არ არსებობის შემთხვევაში, შემსყიდველის მხრიდან ხელშეკრულების შეწყვეტის დღეს საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით, ამასთან, პირგასამტეხლოს დარიცხვა შეწყდება მას შემდეგ, რაც დარიცხული თანხა მიაღწევს ხელშეკრულების საერთო ღირებულების (დღგ-ს გარეშე) 5 %-ს.

7.2 იმ შემთხვევაში თუ ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების (დღგ-ს გარეშე) 3 %-ს, შემსყიდველს უფლება აქვს შეწყვიტოს ხელშეკრულება.

7.3 მიმწოდებლის მიერ ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების (დღგ-ს გარეშე) 5%-ის ოდენობით.

7.4 ხელშეკრულების ფარგლებში გათვალისწინებული პირგასამტეხლოს მაქსიმალური ზღვრული ოდენობა, რომელიც შეიძლება დაეკისროს მიმწოდებელს, შეადგენს ხელშეკრულების ღირებულების (დღგ-ს გარეშე) არაუმეტეს 5%-ს.

**შპს "მანტა სისტემსი"**  
**ფასების ცხრილი**

| #                       | საქონლის<br>დასახელება და მახასიათებლები                                                                                                                                                                                                                                                                                                                                                                                                                                                                                                                                                                                                                   | წარმოშობის<br>ქვეყანა/<br>მწარმოებელი<br>კომპანია/<br>საქონლის<br>მოდელი                                                                                                                    | რ-ბა | ერთეულის<br>ღირებულება<br>დღგ გარეშე<br>(აშშ<br>დოლარი) | ჯამური<br>ღირებულება<br>დღგ გარეშე<br>(აშშ<br>დოლარი) |
|-------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------|------|---------------------------------------------------------|-------------------------------------------------------|
| 1                       | 2                                                                                                                                                                                                                                                                                                                                                                                                                                                                                                                                                                                                                                                          | 3                                                                                                                                                                                           | 5    | 6                                                       | 7                                                     |
| 1                       | <p><b>ოპტიკურ-ბოჭკოვანი კაბელის გასასინჯი ლაზერი.</b><br/>ტექნიკური მახასიათებლები:</p> <ul style="list-style-type: none"> <li>✓ ლაზერის გამოსხივების ტალღის სიგრძე - 650 ნმ (წითელი),</li> <li>✓ სიმძლავრე - არანაკლებ 10 მვ (10 კმ მანძილამდე),</li> <li>✓ მუშაობის რეჟიმები Singlemode და Multimode,</li> <li>✓ ოპტიკური გამოსასვლელი პორტი - უნივერსალური კონექტორი (2.5 mm) - ST, SC, FC კონექტორებისათვის,</li> <li>✓ კვება - 2 AA ტიპის ბატარეა.</li> </ul> <p>ბმული ვებ გვერდზე:<br/><a href="http://www.aitelong.com/pdf/SAT-3C04-Optical-Visual-Fault-Locator.pdf">http://www.aitelong.com/pdf/SAT-3C04-Optical-Visual-Fault-Locator.pdf</a></p> | <p style="text-align: center;"><b>ჩინეთი</b></p> <p style="text-align: center;"><b>Shaanxi Aitelong<br/>Technology Co.,<br/>LTD</b></p> <p style="text-align: center;"><b>SAT-3C04C</b></p> | 3    | <b>\$ 54</b>                                            | <b>\$ 162</b>                                         |
| 2                       | <p><b>ოპტიკური ტესტერი.</b><br/>ტექნიკური მახასიათებლები:</p> <ul style="list-style-type: none"> <li>✓ ტალღის სიგრძეების დიაპაზონი: 850-1700 ნმ,</li> <li>✓ კალიბრებული ტალღის სიგრძეები: 850,980,1300,1310,1550,1625 ნმ,</li> <li>✓ გარჩევისუნარიანობა - 0.01 დბ,</li> <li>✓ ოპტიკური კონექტორი - FC,</li> <li>✓ კვება - 2 x 1.5V,</li> <li>✓ წონა - 250 გრ.</li> </ul> <p>ბმული ვებ გვერდზე:<br/><a href="http://www.aitelong.com/pdf/SAT-4E-Optical-Power-Meter.pdf">http://www.aitelong.com/pdf/SAT-4E-Optical-Power-Meter.pdf</a></p>                                                                                                                 | <p style="text-align: center;"><b>ჩინეთი</b></p> <p style="text-align: center;"><b>Shaanxi Aitelong<br/>Technology Co.,<br/>LTD</b></p> <p style="text-align: center;"><b>SAT-4E11</b></p>  | 6    | <b>\$ 181.07</b>                                        | <b>\$ 1086.42</b>                                     |
| <b>სულ დღგ-ს გარეშე</b> |                                                                                                                                                                                                                                                                                                                                                                                                                                                                                                                                                                                                                                                            |                                                                                                                                                                                             |      |                                                         | <b>\$ 1248.42</b>                                     |



სატენდერო წინადადების ფასია: **1248 (ათასორასორმოცდარვა) აშშ დოლარი და 42 ცენტი**

ფასები მოცემულია დღგ–ს გარეშე. დასამატებელი იქნება 18% დღგ , ვინაიდან ჩვენი კომპანია დღგ–ს გადამხდელია.

საქონელი ახალია და არაა ნამყოფი ექსპლუატაციაში.

მოწოდებისას მოყვება მწარმოებლის მიერ გაცემული მწარმოებლის მიერ გაცემული დოკუმენტ(ებ)ი, სადაც გაწერილია ფასების ცხრილით განსაზღვრული (პუნქტი 1.3) საქონლის ტექნიკური მახასიათებლები.

**გარანტია: 1 წელი მიღება-ჩაბარების აქტის გაფორმების დღიდან.**

საგარანტიო ვადის განმავლობაში, საქონელზე ტექნოლოგიური წუნის გამოვლენის შემთხვევაში, შემსყიდველის მხრიდან შეტყობინების მიღებიდან არაუგვიანეს 60 კალენდარული დღის განმავლობაში, ჩვენ საკუთარი ხარჯებით უზრუნველყოფთ ნებისმიერი დეფექტის აღმოფხვრას, შეკეთებას ან ახლით შეცვლას იდენტური და ტოლფასი რესურსის მქონე საქონლით. წინააღმდეგ შემთხვევაში, შემსყიდველი უფლებამოსილია მოითხოვოს მიყენებული ზიანის ანაზღაურება.

საქონლის მიწოდების ადგილი: ქ.თბილისი, თამარ მეფის გამზირი N15 (სს "საქართველოს რკინიგზა")

საქონლის მიწოდების ვადაა: ხელშეკრულების გაფორმებიდან **60** კალენდარული დღის განმავლობაში ერთიანად (არაა დაშვებული ეტაპობრივი მიწოდება).

ა. ბარნაველი

პროექტ მენეჯერი

შპს „მანტა სისტემსი“

ამონაწერი სახელმწიფო შესყიდვების ერთიანი ელექტრონული სისტემიდან ელექტრონული ვაჭრობის მიმდინარეობის  
თაობაზე

ძირითად დროში ვაჭრობის შედეგები

| პრეტენდენტი                                                                                      | ბოლო შეთავაზება<br>თანხა/დრო        | პირველი შეთავაზება<br>თანხა/დრო | შეთავაზებები |
|--------------------------------------------------------------------------------------------------|-------------------------------------|---------------------------------|--------------|
|  მანტა სისტემსი | <b>3`217.00</b><br>23.03.2023 14:42 | 4`020.00<br>23.03.2023 14:42    | [2] ნახვა    |
|                                                                                                  |                                     |                                 |              |




საქართველოს ეროვნული ბანკი  
National Bank of Georgia

## ლარის მიმართ უცხოური ვალუტების გაცვლის ოფიციალური კურსები

ლარის ოფიციალური გაცვლითი კურსი არის ინდიკატიური მაჩვენებელი და მისი გამოყენება სავალდებულო არ არის, თუ ასეთი რამ არ არის განსაზღვრული შესაბამისი სამართლებრივი აქტებით.

თარიღი 24/03/23

|     |              |          |          |
|-----|--------------|----------|----------|
| USD | 1 აშშ დოლარი | 2.5768 ▲ | 0.0014 ▼ |
|-----|--------------|----------|----------|

|                     |                              |                                                           |                             |                                                         |                                                                                       |                             |
|---------------------|------------------------------|-----------------------------------------------------------|-----------------------------|---------------------------------------------------------|---------------------------------------------------------------------------------------|-----------------------------|
| 1                   | ხელშეკრულება №               |                                                           | 3                           | ხელშეკრულების საგანი: „ოპტიკური ხელსაწყოების „ შესყიდვა |                                                                                       |                             |
| 2                   | კონტრაგენტი                  | შპს „მანტა სისტემსი“                                      | 4                           |                                                         |                                                                                       |                             |
| ხელშეკრულების რანგი |                              | კურატორი დირექტორის მიერ განსაზღვრული                     |                             |                                                         | გენერალური დირექტორის მიერ დამტკიცებული                                               |                             |
|                     |                              | რანგი                                                     |                             |                                                         | რანგი                                                                                 |                             |
|                     |                              | I <input type="checkbox"/>                                | II <input type="checkbox"/> | III <input type="checkbox"/>                            | I <input type="checkbox"/>                                                            | II <input type="checkbox"/> |
| 5                   | ხელშეკრულების ადმინისტრატორი | ფილიალ "ვორლდ ბიზნეს სოლუშენს"-ის თბილისის კვანძის უფროსი |                             |                                                         |                                                                                       |                             |
|                     |                              | თანამდებობა                                               |                             |                                                         |                                                                                       |                             |
|                     |                              | კონსტანტინე არჩვაძე                                       |                             |                                                         | ✓  |                             |
|                     |                              | გვარი, სახელი                                             |                             |                                                         | ხელმოწერა                                                                             | თარიღი                      |
| 6                   | დირექტორი                    | გრიგორ კაჭარავა                                           |                             |                                                         |                                                                                       |                             |
|                     |                              | გვარი, სახელი                                             |                             |                                                         |   | თარიღი                      |

## ხელწერილი

ინტერესთა კონფლიქტის არარსებობის შესახებ

ქ. თბილისი

19.04.2023 წელი

სს „საქართველოს რკინიგზის“ (ს/კ 202886010) მიერ ოპტიკური ხელსაწყოების შესყიდვის შესახებ, (CPV კოდები - 38600000; 38621000) 2023 წლის 13 მარტს გამოცხადებულ ელექტრონულ ტენდერში (NAT230005493) გამარჯვებულ პრეტენდენტთან, შპს „მანტა სისტემსი“ (ს/კ 205186092) გაფორმებული ხელშეკრულების ფარგლებში განსაზღვრულ ვალდებულებათა შესრულების კონტროლისა და ზედამხედველობის განმახორციელებელი პირები ვადასტურებთ, რომ ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ინტერესთა კონფლიქტში არ ვიმყოფებით.

\_\_\_\_\_ გიორგი იოსელიანი სახელი/გვარი \_\_\_\_\_

ხელმოწერა